



Broj: 10-04-13651-2/23

Sarajevo, 15.06.2023. godina

SKUPŠTINA KANTONA SARAJEVO
-Skupštinska služba-

PREDMET : Odgovor na zastupničku inicijativu – dostavlja se

Zastupnik **Damir Marjanović** u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22 i 17/22 - Ispravka), na Sedmoj Radnoj sjednici Skupštine Kantona Sarajevo održanoj dana 19.04.2023.godine u okviru tačke Dnevnog reda "Poslanička/zastupnička pitanja, inicijative i odgovori" pokrenuo je zastupničku inicijativu koja glasi: "Podnosim inicijativu **da Ministarstvo kulture i sporta Kantona Sarajevo u saradnji sa Ministarstvom zdravstva Kantona Sarajevo osigura besplatno liječničko osiguranje za perspektivne sportiste, odnosno reprezentativce i predstavnike države u svim sportovima**".

U vezi sa pokrenutom zastupničkom inicijativom dostavljamo slijedeći:

ODGOVOR

Ministarstvo zdravstva Kantona Sarajevo je dana 22.05.2023.godine, dostavilo predmetnu zastupničku inicijativu Zavodu zdravstvenog osiguranja Kantona Sarajevo te zatražilo odgovor na isto. Zavod je dana 8.06.2023.godine dostavio odgovor na zastupničku inicijativu (akt broj UPI-03/1-33-5-9115/23 D.B. od 6.06.2023.godine), koji dostavljamo u prilogu akta.

S poštovanjem,

MINISTAR


Prof.dr Haris Vranić //

Dostaviti:

- naslovu

- a/a


BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ZAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo



БОСНА И ХЕРЦЕГОВИНА 3097
ФЕДЕРАЦИЈА БОСНЕ И ХЕРЦЕГОВИНЕ
КАНТОН САРАЈЕВО
ЗАВОД ЗДРАВСТВЕНОГ ОСИГУРАЊА
КАНТОНА САРАЈЕВО
Ложионичка бр.2, Сарајево

Broj: UPI-03/1-33-5-9115/23 D.B.
Datum: 06-06-2023

Bosna i Hercegovina
Federacija Bosne i Hercegovine
Kanton Sarajevo
Ministarstvo zdravstva
Ul.Reisa Džemaludina Čauševića br. 1
71000 Sarajevo



n/r Ministra gospodina Harisa Vranića

Predmet: Zastupnička inicijativa - Veza Vaš akt br. 10-04-13651-2/23 od 22.05.2023.godine

Poštovani,

Vežano za zastupničku inicijativu zastupnika Damira Marjanovića, a koja se odnosi na besplatno liječničko osiguranje za perspektivne sportiste, odnosno reprezentativce i predstavnike države u svim sportovima, a koje će osigurati Ministarstvo kulture i sporta Kantona Sarajevo, u saradnji sa Ministarstvom zdravstva Kantona Sarajevo, dostavljamo odgovor kako slijedi:

Odbredbama Zakona o sportu – prečišćeni tekst ("Službene novine KS" br. 45/12) i to članom 2. precizirano je da svi građani (djeca, omladina, odrasli i osobe sa invaliditetom) imaju pravo da provode sportske aktivnosti na bazi interesa i dobrovoljnosti u skladu sa odredbama navedenog zakona i međunarodnim konvencijama: Evropskom konvencijom o zaštiti ljudskih prava i osnovnih sloboda, Evropskom poveljom o sportu, Konvencijom UN-a o pravima djeteta, Međunarodnom konvencijom protiv dopinga u sportu, Konvencijom o pravima osoba sa invaliditetom, Konvencijom o pravima osoba sa invaliditetom namijenjenoj djeci, Evropskom konvencijom o nasilju i nedoličnom ponašanju gledalaca na sportskim priredbama, Olimpijskom poveljom, Paraolimpijskom poveljom, Evropskim kodeksom o sportskoj etici, Deklaracijom o sportu, toleranciji, fer-pleju, pravilima međunarodnih sportskih asocijacija, te Izjavom iz Lozane o organizovanju sporta u Bosni i Hercegovini, kao i konvencijama i drugim međunarodnim multilateralnim i bilateralnim ugovorima kojima pristupi ili koje prihvati Bosna i Hercegovina nakon stupanja na snagu zakona.


Članom 26. navedenog zakona precizirano je da sportisti mogu provoditi sportske aktivnosti samostalno ili u okviru sportskih organizacija. Aktivnost sportista regulišu se ugovorom o radu. Ugovor o radu sadrži naročito: međusobna prava i obaveze, obavezu zdravstvenog i penzijsko-invalidskog osiguranja sportiste, rok angažovanja, visinu naknade za angažman, a može i visinu naknade za zaključenje ugovora.

Nadalje, prema članu 29. klub u skladu sa zakonom i statutom, sportisti koji sportske aktivnosti ne provodi u vidu zanimanja obezbjeđuje prava na zdravstvenu zaštitu, ako ih ne ostvaruje po drugom osnovu, te opremu i rekvizite, te članom 44. stav (1) tačka c) propisana je obaveza kluba na osiguranje sportista od sportskih povreda.

Također, ističemo da Bosna i Hercegovina ima zaključene ili preuzete Konvencije o socijalnom osiguranju sa određenim evropskim državama, po osnovu kojih osiguranici koriste pravo na zdravstvenu zaštitu za vrijeme boravka u inostranstvu, a pod uslovima koji su određeni Konvencijama. Osigurano lice kojem je prije odlaska u inostranstvo izdata potvrda/obrazac o pravu korištenja zdravstvene zaštite u inostranstvu ima pravo na hitne medicinske usluge na teret sredstava kantonalnog zavoda zdravstvenog osiguranja, u skladu sa navedenim konvencijama i Pravilnikom o uvjetima, načinu i postupku ostvarivanja zdravstvene zaštite za vrijeme boravka u inostranstvu ("Službene novine Federacije BiH", br. 31/02).

Slijedom izloženog, Zavod zdravstvenog osiguranja Kantona Sarajevo ističe da nije nadležan na daljnje razmatranje predmetne zastupničke inicijative.

S poštovanjem,



Dostaviti:

1. Naslov;
2. Evidencija;
3. a/a.

Adresa: Ložionička br. 2, 71 000 Sarajevo
ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,
Transakcijski račun broj: 134-001-11100067-72

Tel. +387 33 72 52 00, +387 33 72 52 07, Fax +387 33 72 52 98, +387 33 72 52 52